

**Talamdan sa  
Mga Mensahe alang sa Full-time Training  
sa Fall Term sa 2024**

-----

**LINANGKOB NGA HISGOTANAN:  
ANG MAHINUNG DANONG MGA PUNTO SA KAMATUORAN SA MGA SULAT NI PABLO—  
GALACIA**

Mensahe 6

**Pagdawat sa Espiritu gumikan sa Pagpamati sa Pagtuo**

Basahong Kasulatan: Gal. 3:2, 5; Fil. 1:19

- I. Ang walay kataposang pamatigayon sa Dios kalabot man sa pagsangkap ug pagdawat sa Espiritu gumikan sa pagpamati sa pagtuo; adlaw-adlaw gisangkap sa Dios ang Espiritu, ug adlaw-adlaw gidawat nato ang sangkap sa Espiritu; ang Espiritu nga gisangkap kanato ug ang Espiritu nga gidawat nato mao ang madagayaang sangkap sa Espiritu ni Jesucristo—Gal. 3:2, 5; Fil. 1:19:**
- A. Gisagop sa mga mananaog ang tinagdan sa tigpamati; nasayod sila nga nag-agad ang ilang kinabuhi sa mga pulong sa Ginoo ug nag-agad ang ilang buhat sa mga sugo sa Ginoo—Bug. 2:7; Isa. 50:4-5.
  - B. Nakaamgo sila nga kon wala ang mga pulong sa Ginoo, wala silay pinadayag, kahayag, o kahibalo; ang kinabuhi sa mga magtutuo bug-os gyong nag-agad sa pagpamulong sa Ginoo—Efe. 5:26; A. A. 8:13-14; Sal. 119:140.
- II. Ang pagtuo maoy pagpatinuod sa mga kamatuoran sa Dios:**
- A. Niingon ang Mga Hebreohanon 11:1, “Karon ang pagtuo maoy pagpatinuod sa mga butang nga gilaoman, ang hugot nga pagtuo sa mga butang nga wala makita”; ang pulong *pagpatinuod* nagpasabot sa kahimoan sa pagpatinuod sa usa ka butang (matinuod ang kolor pinaagi sa atong mga mata, ang mga tingog pinaagi sa atong mga igdulungog, ug uban pa); busa, lahi ang pagkaanaa sa mga butang sa pagpatinuod ning mga butanga.
  - B. Tinuod ang tanang kamatuoran sa Dios nga nasulat sa Biblia; apan mapatinuod lang kining mga butanga pinaagi sa pagtuo, kay ang pagtuo maoy pagpatinuod sa mga butang nga gilaoman, ang hugot nga pagtuo sa mga butang nga wala makita; sa espirituhanong mga butang nag-agad ang pagkakita sa pagkadungog; nadungog una ni Juan ang tingog unya nakita niya ang panan-awon—Bug. 1:10, 12.
  - C. Ang pagtuo mao ang kahimoan sa pagpatinuod, ang ikaunom nga galamhan, ang galamhan nga gamiton nato sa pagpatinuod sa mga butang nga dili makita o gilaoman—Heb. 11:1:
    - 1. Ang pagpatinuod mao ang kahimoan nga makaamgo ta sa usa ka butang.
    - 2. Ang kagamitan sa lima ka galamhan nato mao ang pagpatinuod sa mga butang sa kalibotan sa gawas, nagbalhin sa tanang objectibong butang nganhi nato aron mahimong subjectibong kasinatian nato.
    - 3. Maingon nga igtan-aw ang mata, igpaminaw ang igdulungog, ug igsimhot ang ilong, ang pagtuo, ang atong espiritu sa pagtuo, mao ang galamhang igpatinuod nato sa tanang butang sa dili makita nga espirituhanong kalibotan nganhi nato—2 Cor. 4:13.
    - 4. Gamiton gyod nato ang atong espiritu sa pagtuo, ang nasagol nga espiritu nato, aron motuo ug mamulong sa mga butang nga nasinati nato sa Ginoo; naa ang pagtuo sa atong espiritu, nga nasagol sa Espiritu Santo, wala sa atong hunahuna; naa sa atong hunahuna ang mga pagduhaduha.
    - 5. “Wala ta magtagad,” motan-aw, “sa mga butang nga makita kondili sa mga butang nga dili makita; kay temporaryo lang ang mga butang nga makita, apan walay kataposan ang mga butang nga dili makita” (v. 18); kinabuhi sa dili makita nga mga butang ang Cristohanong kinabuhi (Rom. 8:24-25; Heb. 11:27; 1 Ped. 1:8; Gal. 6:10).

6. Ang pagkadaot sa iglesia pagkadaot man gikan sa mga butang nga dili makita ngadto sa mga butang nga makita; ang pahiuili sa Ginoo pagpahilu man sa Iyang iglesia gikan sa mga butang nga makita ngato sa mga butang nga dili makita.
- D. Ang pagtuo paggamit man nato sa atong espiritu sa pagtuo (2 Cor. 4:13) aron mapatinuod ang nahuman nga mga kamatuoran sa persona, pagkinabuhi, ug buhat ni Cristo; sa ato pa, himoon gyod kining tinuod kanato; sa nituo ta sa pag-Amen nato sa pulong sa Dios, gipatinuod nato ang diosnong mga kamatuoran, ug naato kini; ang *Amen* wala magpasabot og panghinaot nga mahuman ang usa ka butang, kondili pagpahayag nga mahuman gyod kini, ug walay pagduhaduha mahitungod niini; sa pagtuo nato, gidawat nato ang gisaad na sa Ginoo nga buhaton.
- E. Gipasiugdahan ug giugmad ang pamatigayon sa Dios diha sa ginsakpan sa pagtuo (1 Tim. 1:4); kinabuhi sa pagtuo ang Cristohanong kinabuhi (Gal. 3:2, 14); wala ta magkinabuhi sumala sa atong nakita; nagkinabuhi ta sumala sa atong gituohan (Juan 20:25-29).

### III. Nagpasabot ang pagtuo nga nituo ta nga ang Dios mao ug dili ta mao—Heb. 11:5-6; 2 Cor. 4:13, 18:

- A. Kon walay pagtuo dili gyod ta makapahimuot sa Dios, dili ta makalipay Niya—Heb. 11:6a.
- B. Ang pagtuo nga ang Dios mao pagtuo man nga Siya ang tanan kanato ug balewala ta—Juan 8:58; Eccl. 1:2.
- C. Ang pagtuo nga ang Dios mao nagpasabot nga dili ta mao; Siya ra gyod ang Usa, ang bugtong-talagsaong Usa sa tanang butang, ug balewala gyod ta sa tanang butang—Gen. 5:24; Heb. 11:5.
- D. Ang pagtuo nga ang Dios mao pagdumili man sa atong kaugalingon; sa tibuok uniberso Siya mao, ug balewala tang tanan—Luc. 9:23.
- E. Wala gyod ko; dili gyod ko maanaa; Siya ra gyoy maanaa—“dili na ako ang nabuhi, kondili si Cristo”—Gal. 2:20.
- F. Sa pagkakabig ni Pablo nga taga-Tarso, giingnan siya sa Ginoo nga, “Ako si Jesus”—Buh. 9:5:
  1. Niingon ang Ginoo nga, “Ako ang dakong Ako Mao; Ako ang Mao Siya; motuo gyod ka nga Ako mao ug dili ka mao.”
  2. Sa kapulihay, natapos si Saulo, ug naanaa si Pablo—13:9.
- G. Pagtuo kini—“O ang kalipay nga walay bisan unsang nabatnan ug balewala, walay laing nakita kondili ang buhing Cristo sa himaya, ug walay laing gitagad kondili ang mga gitinguha ra Niya dinhi”—J. N. Darby.
- H. Sa wala pa malalin si Enoc, nabatnan niya ang panghimatuod nga nakapahimuot siya sa Dios (Heb. 11:5-6); mapadayonong naglakaw si Enoc paitaas uban sa Dios adlaw ug gabii sa tulo ka siglo, naggamit sa iyang pagtuo nga motuo nga ang Dios mao, labi pang nasuod sa Dios ug labi pang nausa sa Dios matag adlaw hangtod “wala na siya, kay gikuha siya sa Dios”—Gen. 5:22-24; itandi sa A. A. 8:5a.

### IV. Mga tawo gyod unta ta nga nitutok ni Jesus, sa Mag-uugda ug Maghizingpit sa atong pagtuo; Siya ang Mag-uugda sa pagtuo, ang Tigsugod, ang Tig-inagurar, ang tinubdan, ug ang hinungdan sa pagtuo, ug Siya ang Tighuman, ang Tigkompleto, sa atong pagtuo—Heb. 12: 2a:

- A. Ang kahibulongang Jesus, nga gipalingkod sa trono sa langit ug gipurongpurongan sa himaya ug dungog (2:9), maoy labing dakong makadani sa uniberso:
  1. Sama Siyag dakong batobalani, nga nagdani sa tanang nagtinguha Kaniya; tungod man sa pagkadani nato sa makabihag nga katahom Niya nga makalingiw ta sa tanang ubang butang nga dili Siya.
  2. Kon wala kanang makabihag nga tumong, unsaon man nato paglingiw sa daghan kaayong makalinga nga butang ning yutaa?
- B. Inigtutok nato ni Jesus, palatayan ta Niya nga Espiritung taghatag-og-kinabuhi (1 Cor. 15:45) sa Iyang Kaugalingon, lakip na sa Iyang elemento sa pagtuo.
- C. Dili sa atong kaugalingon kining pagtuo kondili Iyaha nga nagpaambit sa Iyang Kaugalingon isip elemento sa pagtuo nganhi nato aron motuo Siya alang nato.

- D. Inigtutok nato Niya, ipangalagad Niya kanato ang langit, kinabuhi, ug kusog, ipalatay ug ipatuhop kanato ang tanang pagkamao Niya, aron makadagan ta sa langitnong lumba ug makakinabuhi sa langitnong kinabuhi dinhi sa yuta—2 Cor. 3:18.
- E. Motutok gyod ta ni Jesus sa pagtan-aw nga wala gyoy laing gitan-aw pinaagi sa paglingiw sa tanang ubang butang—Heb. 12:1-2; A. A. 1:4; Sal. 27:4.
- F. Sa pagkatinuod ang pagtuo sa mga magtutuo kay dili man kaugalingon nilang pagtuo kondili si Cristo nga nisulod nila aron mahimong ilang pagtuo—Rom. 3:22 ug nota 1; Gal. 2:16 ug nota 1.
  - 1. Ang pagtuo nato pagtamod man nato ni Cristo agig tubag sa Iyang pagdani—Rom. 10:17.
  - 2. Walay kahimoan sa pagtuo ang atong natural nga tawo; wala tay pagtuo sa atong kaugalingon; ang pagtuo nga pinaagi niini naluwas ta mao ang bililhong pagtuo nga nadawat nato sa Ginoo, ang pagtuong gipahat sa Dios—2 Ped. 1:1; Col. 1:12.
- G. Ang gipanganak pag-usab nga espiritu nato, ang espiritu nato sa pagtuo, mao ang pagdaog nga makadaog sa kalibotang giorganisar ug giilog ni Satanas (1 Juan 5:4); ang dili mapugnan ug walay kinutobang dakong gahom sa pagtuo nagdasig sa linibo nga moantos alang sa Ginoo, morisgo sa ilang kinabuhi, ug mahimong madaogong mga pinadala ug mga martir nga magtuman sa walay kataposang pamatigayon sa Dios, nga naa sa pagtuo—Luc. 18:8; Fil. 2:20; Rom. 16:3-4; Buh. 20:24; 1 Tim. 1:4.

**V. Aron mahimong mga tawo nga puno sa pagtuo (Heb. 13:7; Acts 6:5), kinahanglan makita nato nga “naggikan sa pagkadungog ang pagtuo, ug ang pagkadungog pinaagi sa pulong ni Cristo” (Rom. 10:17):**

- A. Ang tinubdan sa pagtuo mao ang pulong, apan maamgohan gyod unta nato ang pagpatin-aw ning puntoha; dunay tulo ka aspeto ang pulong:
  - 1. Una, naa ang sinulat nga pulong sa Dios—ang Biblia—Juan 10:35.
  - 2. Unya naa ang buhing pulong sa Dios—si Cristo—1:1.
  - 3. Sa kataposan, naa ang giaplikar nga pulong sa Dios—ang Espiritu—Efe. 6:17; Juan 6:63.
- B. Ang sinulat nga pulong, ang buhing pulong, ug ang giaplikar nga pulong nagpasabot sa Dios mismo; ang sinulat nga pulong sa Dios sa Biblia nahimong Cristo nga buhing pulong, nga giaplikar kanato ingon nga Espiritu, ang pulong sa Espiritu; labi nga mabatonan nato ang Dios sa ingon niini, labi nga mahimo Siyang pagtuo nato.
- C. Ang pagpatin-aw sa tinubdan sa pagtuo mao ang Dios diha sa sinulat nga pulong Niya nga makontak ingon nga buhing pulong ug maaplikar ingon nga pulong sa Espiritu aron mabatonan nato ang Tulo-usang Dios, nga makapaanaa sa mga butang nga wala ug maghatag og kinabuhi sa mga minatay—Rom. 4:17.

**VI. Ang pagtuo maoy diosnong gikinahanglan aron makasugat ni Cristo ang mga mananaog sa madaogong pagbalik Niya—gibasi kini sa Lucas 18:8, diin niingon ang Ginoo nga, “Inig-abot sa Anak sa Tawo, makakita ba kaha Siyang pagtuo sa yuta?”:**

- A. Kaluy-an unta ta sa Ginoo aron nga sa Iyang pagbalik mapalgan ta Niya nga mga nanuo, nga kanunayng nisalig Niya, dili sa atong kaugalingon, ug kanunayng walay pagsalig sa atong kaugalingon—2 Cor. 1:8-9; Juan 15:5; Fil. 3:3; itandi sa A. A. 8:5.
- B. Giandam nato karon ang atong kaugalingon nga mahimong Iyang pangasaw-onon (Mat. 25:10; Bug. 19:7-9); ang pag-andam sa atong kaugalingon pagkahimo mang mananaog, nga kanunayng nadugtong sa Tulo-usang Dios pinaagi sa buhing pagtuo.
- C. Ang mga mananaog nga nagkinabuhi pinaagi sa pagtuo gantihan ni Cristo sa pagkamasig-kahari ug sa kinalabwang pagpahimulos sa diosnong kinabuhi uban Niya sa millennium (20:4, 6); moingon dayon ang Ginoo sa Iyang mga mananaog nga, “Maayong pagkabuhat, maayo ug kasaligang ulipon...Sulod sa kalipay sa imong agalon” (Mat. 25:21, 23).